

清代  
叢刊  
記

夜雨秋燈錄

宣

鼎著

二

明倫彙編 家範典 卷一百一十五

一

二

三

夜雨秋燈錄卷四

天長宣 鼎瘦梅甫著

佟阿紫

佟阿紫楚人也。幼失怙恃，孑然無棲止。年十五，隨戚學貿易，走魯之登州。戚病，佟日夜侍湯藥，歿則盡以旅橐市櫬具，厚殮之。泣求客之楚者，附舟回。臨別，焚楮誓曰：「阿紫從君來，不克送君返，敢有侵吞分文者，鬼且殛，神且誅。」誓已，大哭。聞者流涕。然佟由是竟困為丐。會海濱飛來村孝廉郝隱，義而攜之。回顧佟貌脩整，性靈敏，勤於事，得人憐。村之巨室咸招阿紫司奔走，以故傳食得不餒。久之，得隙地，結茅棚如斗大，外繚土垣，中種蔬果，漸免託沿門鉢矣。巨室欲募之家，不可。欲配以婢，亦不可。告衆曰：「男兒不能自立，何以家為？倘荷諸長者蔭，亦非終歌朝雉者。」一日，抱甕倦臥牛畔，聞雷聲殷殷，知山雨至，蜷伏棚底。至晚，雷益迅，雨更急，電走金蛇，鼻觀透硫黃味。佟伏地自陳曰：「某年甫十八，無愧怍，惟撇父母墓於鄉里。清明無一盂冷麥飯，寧上蒼欲擊吾頂耶？突霹靂震山岳，若有巨物骨冬墮中庭，意為雞爪尖喙者，無疑。瞑目待斃，久之，雷收聲而雨亦霽。濕雲縷縷，裹銀蟾，倏明滅。瞰菜畦，果有一物，黑摸索，觸手軟膩，燃火照之，則一端正好女子，衣樸素，盡沾濡，鼻端有喘息，胸前尚溫暖，惟昏昏若睡。」

呼不應。大懼。反扃短柴。衝泥走告郝。不深信。言之確。遂起。遍告村人。靡邀往覘其異。每人篝燈。明若晝。比至。則女子已甦。嚶嚶細泣。大眾環視。秋波灼灼。無一語。郝命人扶入棚。即藉阿紫短榻。上眠。眾席地坐。詢之。女自云。郝姓。小字五銖。所居為極大村莊。居人甚夥。距郭甚遠。實不知隸何郡邑。多兄弟姊妹。惟己恒得父母憐。是夕正衽何趾。後入己房間。頭忽眩暈。心雖了了。而耳鳴如鼓風濤。身輕若御雲霧。旋更昏瞶。比甦。則不知何故至此。處眾覩其粧束。若吳趨。聽其口音。若山陝。問伊父母名氏。搖手示不知。問可否婚聘。亦搖首示待字。喜曰。我同宗也。但若是。則何法為爾寄音耗。女子哭甚哀。郝憐而止之。與眾耳語瑣碎者久。告女曰。此為佟郎居。彼此怨曠。天涯海角。相遇。乃鬼神撮合。雷霆主婚。僕與汝同姓。論年齒。可為吾猶女。擬遵天意。以汝妻佟郎可乎。女翹首四盼。郝急推阿紫示之。曰。是兒雖貧。量非終於貧者。女睨之意。似許可。佟面赭流汗。向眾力辭。郝曰。癡男子常守鰥耶。天意已定。違之恐不祥。村之父老。醵資謀花燭。頃刻得五十金。夜向晨。村婦咸至。爭出衣裙釵鈿。為女助粧。粧竟。美麗絕倫。小市酒肴。即日合卺。明日。女親詣郝。蔭膝下。作螟蛉女。郝疑女必嗔佟郎貧。久之。竟伉儷。日久。同操作。辟纊索綯。分郎苦。一日。夫婦攜鋤刈蒿蔚。忽見兩金鶯戲于庭。倏上下。鳴且舞。女戲以竹竿撲擊。墮地。沒掘尺餘。即得黃金二餅。佟欲易以市田宅。女不可。曰。貧人暴得大

財徒取禍耳。郎蓋走他郡學費數年歸示人知富之有由來。妾甘為郎守。泮泆作生活量不致餒。佟遂泣與別。往告郝亦深以為然。并自任照看。女佟徒步遊江南。詣皖之鍾離。遇甄叟。巨商也。凝視其相。說曰。君當大富貴。奈何草衣芒履掩人目。佟遜謝。直陳。迺延歸。授以白鏹五百金。曰。且之江南學負販。無論何貨。第運之。虧不汝怨。盈則除母分子金。佟過江。思販豬利息厚。遂投牙行。以五百金全作孤注。兌訖。白足走泥淖。行至江口。正喚渡。忽有放飛炮者。豬驚逸。盡入蘆葦中。呼之不再出。痛哭欲覓死。又戀五銖無已。吹簫乞吳門。忽遇同鄉李叟。說曰。子何一寒至此耶。泣告以故。叟笑曰。子真商賈中之離稚者。凡運白蹄。必須先養犬。彼項掛鋼釘皮圈者。非歟。豬偶有逸者。嗾犬銜之。回若全賴人力。宜其憊也。贈五十金。並假兩黃犬。馴且猛。即日代運豬數十口。屬且渡江。試為之。佟拜辭。偕盧令往。重至江口。心方惴惴。忽天大雷雨。江波如山。晝昏黑。若夜。佟癡立雨中。聽豬自竄。比雨霽。則豬皆烏有。僅兩犬在。馬憤極。返江店。出資飽餐。并以甘旨飲犬。店主人問將若何。佟作恨聲曰。者番當深入叢莽。窮搜之。主人搖手曰。莫孟浪。此中有巨蛇。曰蘆蟒。力大能噬人。且江州沙軟。多坑陷。墮則死矣。佟曰。寧入蟒腹。死不以失信。生卒往。至則犬斷索奔入。佟無導引。惟蹲而待。少頃。乃犬聲。唁唁。牙聲。啾啾。呼號。震江水。霎時羣魚貫出。鵠立俟。若就拘束。不敢動。視之。其數較前所失。

者十數倍。而且肥膩茁壯。其值約五千金。仍有餘。念天欲暮。兩犬始流汗。出血滿口。吻適江船泊五六隻。至急驅渡江。蓋船即江北豬行來迎客貨者。頃因翠華南幸。豕價大昂。故逃於江滸耳。比抵北岸。堅坐待價。牙曰。再遲則殆矣。終不聽。明日價更增。三日後。終心怯。售之得八千餘金。存金更票。帙潛往鍾離。告甄叟。自終去後。野人咸云。終遁。叟不以為然。至是終歸。益張筵酬之。筵呈票符并白顛。末叟笑曰。君亦太稚氣。前豕既逸。亦何必乞不歸。然子所遇李叟。尚欲見之否。曰。正欲白主人酬所假。叟笑呼十八子。可出晤。終家郎。叟出。即李也。大驚。視犬更雜衆犬中。若叟家素養者。益駭。少頃恍然悟。蓋甄叟早知終事。故遣李送犬與金。耳明日盡以七千金假之。副以幹僕。囑再之楚。曰。過貨即運。無不利也。終往返二次。獲數萬。兼以楚無親族。函父母骸骨歸。再詣叟。曰。可矣。分子金與之。尚五萬有餘。欲妻以女。辭曰。家有糟糠。且別已三載。不欲效薄倖也。問何如人。述前事。叟驚曰。其面龐團白眉。纖而長。名五銖者耶。曰。然。翁何以知之。曰。此吾姨姪女也。渠父母皆陝人。流寓於皖。亦富家翁。其居即在敝村之南。大樹千章。裹竹樓者是也。某年月日。為雷雨攝去。安知為君夫人耶。翌晨引終見郝翁媪。一家沸騰。歡笑狂喜。翁媪急欲見女。遂由淮駕海舶。親送東床。運資返登。一帆風順。不日抵飛來村。骨肉相聚。如夢寐。如隔世也。悲喜可知。遺奩具又極豐備。并厚酬孝廉與之。聯譜。

系居半年。欲攜婿家同之。皖女曰不可。兒不忘村人德。遂出千金。厚酬村之貧乏者。女僅生子一。因體羸多疾。為夫置妾。媵生子女若林立。郝夫人性惟鍾愛文。環西苑築甥館同居焉。阡陌雲連。樓閣華偉。不啻世家。至諸子成立。遊庠序。女年甫四十有五。猶妍麗若天人。一夕夢偉丈夫。荷雙籠來。內皆紗帽纍纍。舉而遍掛屋角。幾滿。尾更有纓帽銜寶石。挂孔翠者亦夥。丈夫挂訖。故俯瞰籠內。嘖嘖稱有餘。戲掀擲過西墻。笑曰。便宜他寐告。俟知子孫必多有科甲顯宦者。後果驗。然時方明季。不識纓帽。是何威儀。至盛朝。佟姓世居魯。仍簪纓拾青紫。所以有寶頂翠羽帽也。至拋擲墻外者。蓋婿家均貴。亦不減外家。此桃源令孫夢麟所云。

慎儂氏曰。彼美人兮。天涯海角。而氤氳薄上。早訂婚姻。鬼神無奈何。始幻此縮地法。耳當不負死友。臨奠數言。實諸天菩薩所共聞之。而一齊墮淚者也。或另註奇緣。使之得內助。享厚福。未亦可定。嘗聞四川周姓。亦曾有之。與此事同。

雪裏紅

北里非相攸之地。勾欄無立節之媛。然未可以一概論者。昔京都薛氏女。貌絕艷。攜一婢一媪。賃宅以居。自云十五歲矣。出多金。囑市司街卒。遂安堵而開錦泥窠也。嘗簪花傅粉。乘犢車。往城南觀新劇。傀儡棚亦輪為之停。遂不言。而知其錢樹子也。游蕩兒羣擁之歸。問鄉貫。

游踪均葫蘆提以對。問香名。則曰薛氏行一。侍者呼為一娘。問夜合須多寡。則伸玉臂露守宮砂。曰六歲時。遇吾師以丹藥點作貞驗。至今身猶處子。不願作夜度娘也。曰若是。則必工吟善詠。如卿家校書名濤者乎。曰非所長。曰是必唱鷓鴣舞柘枝。如謝家姬乎。曰非所長。曰或者能刺鴛鴦錦。如卿家針神。號夜來者乎。曰妾病未能也。衆撫掌曰。審是。究以何術博纏頭錦。女含笑呼婢捧磁甌出。中列骰子六。供几中央。再拜安置。訖曰。妾名雖倚門。實則求偶。請以相思之骨。代風月之媒。是亦遵吾師命也。來者以白金十兩作孤注。無論齒高下。貌妍媸。一擲成六紅者。即嫁為婦。無食言。然十兩僅一擲。再擲再破。慳妾守信。君等毋吝財也。衆曰。妙哉。是真別樹艷幟。而另繫赤繩者。呼僮競取白銀。至博竟日。皆色沮去。遠近譁噪。咸云何物粉兒。獨翻花樣。唱或杜之雉。呼守雌之盧。花骨頭豈真作冰。阿堵物依然入橐。是兒狡哉。蕩子愚矣。然愛其色者。輒難忘情。由是馬繫於場。犬迎於戶。上至官裳。下至胥隸。無不聞香而來。垂涎而至。作幾希望。又以一娘不似妓名。因其愛着杏子衫。又全紅始嫁。薛雪同音。遂呼之為雪裏紅云。一日有侍御公子某。攜百金來。十擲皆北。明日又來。視甌中已別五紅。其一滾轉不定。公子大聲呼紅。比走盤珠定。則仍守黑者。乃癡立如木雞。女笑曰。險哉。何一紅之難也。女貌雖極妍。而性極生硬。客至略寒暄。即請博。博已。即下逐客令。不許少一逗遛。公



子恚怒陰嗾無賴子三四輩給金使詣女室將窘辱。洗愧慙女已譖其意待金入已橐即揮手使去。無賴子大閱曰一鬻肉竟如是昂貴耶。彼博場尚有閒菜酒為吾輩解饑渴言已攬袖欲侮。女聲色不動略拂纖指即紛跌庭外數十步呼婢出夏楚待其三蹶而三拍之跪謝始釋。鼠竄可憐。後有踵至者咸悉彼妹艷而勇無敢褻負者。怏怏不聞有後言。三載中均落。落小酬應從不歌一聲陪一宴。假一頓笑而香奩中纍纍盈五萬金矣。偶語客曰曩得米僅娶吾身。今并得吾財何樂而不為。於是門前車馬更喧如市井矣。時江建昌李生名崇者年少尚未娶。避難走燕臺。落拓殊甚。將往投阿姊某宦宅。向為姊夫所惡。然守囊之銀僅僅十兩。計無出謀于同鄉某。某問曰子知此間有雪裏紅乎。曰不知。乃告所以。曰嗚呼與一戰捷則立地成富耳。負則尋女嬃未遲也。生曰善。洗導之往。女見其貌清俊而衣襤褸心憐之曰此非樗蒲戲乃秦晉卜也。登場一麾絕無翻悔。觀子十金良不易。盍珍重生笑曰卿亦過小覷人矣。書生雖貧量不至為些須露乞兒態。言辭慷慨其氣態能已令佳人心折。及鏘然一鳴。座客齊鳴。米視甌中燦燦者成六出花矣。女亦色喜嚶嚶一聲。階下噉應。即時結彩。然兩畫燭如椽。氈毳滿堂。水陸新進。婢子引生入曲室沐浴更新衣。女亦粧竟偕之交拜。同鄉某宛僨贊焉。至漏乍轉。客去歸洞房。女畧詢家世。即云身已相從。願聞郎志。生頓覺曰一身落

魄去就頗難然為賈則素惡銅臭為儒則不耐氈寒無已其一行作吏尚可以身許國乎女  
檢衽而前曰是尚不愧為紅之夫也旋以臂紅示生曰妾尚女兒身惟夫君憐之生以唾拭  
之不去喜曰皮相者疑卿為章臺柳福艷者知卿是佛池蓮僕心醉矣且愛且憐明晨視紅  
褪如洗旋以片紙為生納粟得銓闈之某縣令事之任女不令多隨從捲厚資與婢媪均易  
男子裝已則纓曼胡吉莫靴負彈弓佩長劍四騎登程經泰山下猝遇響馬賊呼嘯至生  
戰栗面灰死女命婢媪護郎君已則縱轡逐賊鋒發連珠鐵彈子如秋風吹落葉賊披靡無  
生還者生大駭幾墮騎至前站私詢其何勇過健兒女笑曰措大尚貌視巾幗耶聶隱紅線  
輩自在人間惜肉眼人不識耳因把酒重述都中拍無賴事相與捧腹到闕謁長吏女均執  
刺代長鬚致無隕越寅寮瞰艷僕疑其有斷袖癖實不知即使君采蘋婦也抵任不半載金陵  
賊驅大股豕突至閩驀圍斗大城生集鄉團女簾後窺之笑曰若以此禦賊直摧枯拉朽耳  
寇深矣且奈何翌日賊更蝟集肆蹂升將瓦解女麾眾登陴斫殺一晝夜攻始懈然耽耽者  
猶不去生乞救于中丞牘三申而援不至蓋驛路斷恨無神郵也至夕女以大爵勸生飲生憂  
懼涓滴難下咽女笑曰飲亦死不飲亦死曷為醉觴乎生始鯨吸數十爵沉酣眠所坐木椅  
上女出裂帛長十數丈者先縛生然後荷于背且縛之極堅固若負襁褓兒仍男裝右提劍

左握護身牌。聽野雞三唱。晨月朦朧。呼鄉團而告之曰。事急矣。吾負汝使君往乞援。三日即返。城中諸事。聽吾婢媪指揮。可謚無恐也。遂開關放之出。賊瞰其越濠行甚速。又見所負如屋上瓠。不識云何。始癡望。繼環擊。女且走且禦。斬數十人。而出重圍。馬懸距省垣三百里。至則甫卓午。走入館舍。解背上良人。視殘醉猶未醒也。往見中丞時。撫軍麾下僅萬人。意不能多。假生將唯諾。女在身後。突白。云。但乞中丞分五百人。供臂指。然必由屬吏自檢擇。不中選者。勿須也。中丞驚詢。誰氏子。生詭以僕對。且告其神勇。曰。是豈崑崙復生乎。即傳鼓集演武場。女為生暗物色。皆捷如猿。孫而勇如巖虎者。生詣首。令某處。假兩騎以歸。某令見女。戲生曰。明府當此倉猝。尚挈畫郎擲櫻桃耶。生莊色對曰。山荆也。令駭。亟訊知其事。急延之後堂。夫人出拜。請須臾。畧休息。公子一女。郎一。爭拜膝下。乞授業。女約以圍解日。旋整師歸。賊正圍團攻。雉堞突自背擊之。幾疑將軍從天外飛來者。戰一晝夜。斬馘無算。餘孽悉竄。女撫膺而歎曰。是可驅豺狼而害隣封乎。留生入城。撫瘡癍。已則帥衆追剿。至浙界。始凱旋。當道上具事。生卓異。遷郡守。女詔封成夫人。某令遣子女來踐約。乞授好身手。女畧與一二。即已。曰。羅綺中人。得此已無敵。無深求也。問戰勝大旨。曰。譬如博孟內六瓊。眼前八陣。知人知彼。目無全牛。勝負可立決也。問阿姥是何師承。曰。吾自有師。師自有法。不足為汝輩言也。生每斷

獄。女參贊稱神明捕盜尤襄勤。惟禁娼則力為諫阻。繼以哀泣。故棠疆百里。桃花門巷。常數百家。成錦繡城也。每采輿一出。鶯鶯燕燕之儔。捧盤匱跪路衢。為夫人祝千秋者。動以千計。此秦魯臣譜弟所采訪。魯臣金陵世家子。

慎儂氏曰。寒蔬中有名雪裏紅者。辛辣之品也。成夫人隱於粉黛。博以相夫。坐而裙釵。勇于殺賊。是桃李之艷。而薑桂之性也。錫此佳名。良不愧耳。不言其師。而師自大有人在。閩之氓。感保障之德。每至伏臘。有以雪裏紅薦春盤者。當不敢斥言。而呼為成夫人菜乎。嘻。諸葛行營之種。可以并傳。

### 鄔生艷遇

鄔榮典。字少華。任城儒家子。年十七。尚未婚。時正夏五。移枕蓆置小齋。一老僕作伴。喜岑寂也。一夕溽暑。令人思襪。因遣僕宿外舍。自起拂榻。拭几剪燭烹茶。視皓月一窗。不禁遐想。背燈危坐。口吟一絕云。明月此時好。美人何處來。相憐惟有影。綺戶為誰開。詩就。曼聲吟詠。忽一麗人冉冉至。年約十五六。廣袖長裙。烏鬢翠黛。目盈盈若秋水。裙下露蓮瓣。翹翹若解。結之。錐殆畫中人。也。鄔驚詢曰。卿鬼耶。曰否。人耶。曰否。然則狐耶。笑曰。郎志在美婦。妾志在情郎。偶聽高吟。知情之所鍾。故冒嫌學私奔之紅拂。郎何必嘵嘵詢踪跡。曰。卿有名乎。對曰。

賈奴有字乎。曰：樊禕。郎不甚了了。第握纖纖手。則柔勝于美。令人魄蕩。相與談論。慧舌生香。旁及詞章。藻思耀采。郎愛且服。聽玉漏丁丁。牆外之柝四下。促其解衣。則飛紅上頰。約以明宵。野雞四啼。倉皇遽遁。豈果挑燈自攜衾枕至。備極華麗。人世所無。遂與綢繆。而痛楚莫勝。女曰：妾身猶不雕璞也。乞郎徐徐。幸勿狂暴。事已視清。筆落紅。真猶處子。郎益憐愛。因以臂代枕。口吟一詞云：郎可憐。妾可憐。一對鴛鴦一對鷓。今宵那世緣。莫流連。且流連。生怕鐘鳴欲曙。天情人隔一邊。女喜曰：郎真有情也。妾雖自存。然得此錯愛。死可不憾也。即和其詞云：風誰家。月誰家。妾豈當門賣笑娃。情深念轉差。香辟邪。玉辟邪。夜雨摧殘一樹花。郎君鄭重些。天曉自摘耳上兩金環。贈郎曰：以此作定情物。然慎勿示人。恐飛短流長。彼此不利。自此來無虛夕。一夜正偃擁。忽有斑白叟破門入。面靨裂髮。蓬飛霜髯。如戟叱女曰：小妮子。太不識羞恥。既而指郎曰：污人清白。風狂兒不當殺。卻郎。郎驚惶無地。以被蒙首。口噤不能言。惟齒牙震擊作奇響。自被隙微窺女郎。則俯首却立。敲赫可憐。正疑懼間。老人呵叱益厲。忽僕在外舍。反側匡床間。聲扎扎。二人遂渺。次夜郎扃戶眠不熟。而女已裊娜在床側。嬌羞慘淡。默無一言。郎執其手。問：昨宵老叟屬卿何人。曰：老父也。曰：卿家大人。險將小生驚煞。然我兩人之情分。豈即盡於此乎。匝月恩愛已逾尋常。某願為卿死不悔也。女嗟歎久之。始云：郎何癡也。

以郎表表何難得玉臺艷偶而乃犯險阻爭異類哉且家君素嚴翌即遷他郡妾來永辭願  
郎自愛毋以妾為念郎失聲大哭女以袖中紅巾拭淚己亦泣曰妾原圖永好耳不意怒觸  
高堂殃及君子義難復聚請以所贈賜還非重物也恐郎他日觸目傷心耳天如鑒憐則鏡  
可圓而劍可合妾去矣千萬保重言已頓首聽戶外修竹風敲如搖環珮舉篋視金環己不  
知于何時攜去然郎由此玉體羸敗念念不忘玉人有女巫阿翠目能見狐且知狐所在郎  
因邀而問之曰若其好着淡黃帔薄羅衫面團團如月一笑兩頰生微渦者耶曰然曰是非  
他駱氏小素也郎始恍然悟昔告之名字乃暗切而不肯明言者阿翠請生作簡願任作寄  
書郵數日來報云小素忽促不及裁箋着傳語奉復郎君前實緣盡恐遲自別去苦郎想思  
故幻此形狀俾郎君心死乘便寄丹砂一粒可以却病痛郎視藥小而紅香甚一服疾果瘳  
而思女之心亦釋

慎儂氏曰情之所在父母師保不能止天地鬼神不能禁山川河海不能隔顧為情而來  
情未盡則麾之不去情既盡即招之不來且不以餘情害情人復能以幻相警癡子是非  
真深于情者乎否則朝伐夕戕非髓竭神枯而不已又或潔身而退令人魂銷氣結不能  
忘真寃且孽矣尚得謂之情乎如小素者方可與言情

假五通神

南人之崇奉五通猶北人之信狐也。客有販賣阿芙蓉發籍者，往來齊楚間，非一日。阿堵充豫，乃納粟為九品官。在籍候銓，雖煌煌章服，腰珮玉腕，跳脫襟，洋表面架墨晶鏡，而煙霞營生，不肯棄以故富且貴。居然縉紳矣。客姓萬，乳名佳兒，遂名曰佳，字顆珠。幼失怙恃，一身塊然，因性敏貌俊，善蠅頭楷，得為刀筆小吏。娶妻雍，頗風致，尤善艷粧。佳後棄隸學賈，精歌唱，絲竹等藝，日誘良家子作狹斜遊。多外宿不歸，雍獨居挑燈凝睇，對鏡搯頤，見己身後若有男子影，心疑夫婿潛回，鬪笑喜而回顧，則翩翩美少年，體態妍麗，羊車中人，乃生平所絕未邂逅者也。驚欲研結，覺口噤神迷。少年已僂之坐，細膩膩貼，慰藉良殷，自陳為五通四郎。憐子孤衾，特來相伴。未知卿卿亦如小生之癡情否。雍欲撐拒，覺四郎肌膚中有一縷幽香透入鼻觀，又舌入己口，攪擾吮咍，心遂大動，聽其所為。事訖神頓清，四郎猶共枕，羞怯歡戀，覺天下男兒無愈四郎美。從此朝夕至，至必飲，飲必醉，醉必眠，眠必盡歡而後已。佳偶自外歸，四郎蒼皇竄匿，怒抽壁上刀揮之。四郎遽化白光一線，颺然後窗縫中出。問婦，婦詭云：無所見。然枕席上竟由此大冷落，無膩語，無歡顏。明日，四郎又來，問來婦泣曰：奴方期圖永好，而今已矣。四郎面赭，問故曰：郎既神道，何畏渠凡人？曰：非也。人之所以異於禽獸者，為天良耳。既盜其

婦又凌其夫人且不可。何況神乎。言未已。佳持刀突入。四郎含笑欲去。視門外環立健兒。持弓矢以俟。蓋佳之布置也。四郎牽婦衣袖。死轉哀啼。又伏地叩頭。願永絕跡。佳狂噪刀斫其面。如敗鼓聲。斫其頭如敗柝響。戶外人又欲開門。四郎抽擲金錢如雨。眾目炫亂。始魃從胯下出。佳投刀而起。拾地下金錢得百餘兩。畧酬健兒。餘悉入橐。月餘婦病不起。昏昏無一言。夜忽悄起。粧飾一新。曰。四郎來娶我矣。佳怒曰。既神道何強娶有夫之婦。曰。嘻。子休矣。前所得金錢。謂何。蓋賣婦身值也。言已。跌榻一笑逝。眾聞空際果有鼓吹喧闐。人馬雜沓聲。逾時始寂。佳之同類咸來。弔鼓盆。佳反鼓掌曰。僕有遠志。山荆本贅疣也。冀已遂盡遣婢子。日挾金資走四方。後遇道士。授以金針槐角豬皮做假之法。利更倍焉。漢中史太守。嚴厲非常。佳能曲意承順。有觸逆太守者。佳必故與為難。詈辱萬端。有逢迎太守者。佳必預為往來周旋。盡致守有過。佳攬任於己。曰。太守何若是。以故太守逢人諛贊曰。老人虛度。悔識萬生晚也。偶與千金。囑代購佳麗。曰。此蘇臺土產。敢不奉獻。囊金往以五百買貧家女。先與私通。遲疑不進。會太守墨敗。竟攫為己之第一妾。名曰春花。其友豫人王七。有古癖。爛銅碎玉。書畫玩好。無不珍愛。佳代搜羅。凡物罕而價昂者。必暗貼己橐。僅以半價報之。以故王大信任。嘗謂人曰。天下信實。更有如萬生者乎。會同人過海。以女寄佳處。曰。弱息破衣年矣。僕如三年不



回聽吾弟代覓婚配王去佳嫩女美詭云得坦腹入贅日却扇筵開女掀帕斜晚則鬢髮鬢  
目灼灼者佳也曰吾故疑是佳兒曰既有佳兒理配佳婦遂攘為己之第二妾名曰夏雲偶乘  
焦叟船過鄱陽佳善釀精烹調每餐必拉佳共啖酌欲還東道必堅止翁私帶小貨佳輒渾  
其稅而倍其值嫩翁女船尾操櫂甚艷冶眉目傳情詢翁何女公子至今無佳婿曰小妮子嬌  
情慣不欲嫁弄潮兒至瞿塘費金馬客僕又難仰攀是以遲耳曰僕不才九品官也未知許  
下玉臺否翁掀髯笑曰萬顆珠四十無婦誰敢信曰寃哉結髮死至今尚未續鸞膠指天自  
誓翁信不疑比入門結褵已三日悔無及翁拚闌欲訟之官女曰兒已至此夫復何言佳長  
跪請死崩角有聲翁長歎拂袖去遂以女為第三妾名曰秋月偶遊楚州勾欄張眉娘家先  
通其女亭亭暗訂婚娶纏頭甚豐有成議眉娘太息曰不圖吾女先有所歸青樓人珍饈羅  
綺貴若嬪媵惟鳳冠補服不可得誠不了恨耳佳曰吾九品官也他日亭亭得花封可貲贈  
於子眉默默良久小語曰子娶亭亭僅得人而不得財且欲破其財吾年來奩資饒富曷易  
而娶吾子既得財我又得貴非兩全乎曰棄亭亭奈何曰母子同事一人古有之乎曰有有  
有遂附會小說詭託無稽入門見已有三婦艷眉大哭欲尋死佳極意溫柔化怒為喜蓋以  
調停冠裳之法來處置閨閣故眾小相安親若姊妹遂以眉為第四妾名曰冬松亭為第五